



Lugo, 19 de decembro de 2011.- Onte, domingo, 18 de decembro, ADEGA Lugo visitou a Cova da Serpe de Friol, dentro do seu programa anual de roteiros que este ano dedica á Galiza Máxica. Colaborou con ADEGA a Asociación Cova da Serpe, que traballa pola posta en valor da zona e nomeadamente deste ben patrimonial, tanto material como inmaterial. Os camiñantes puidemos comprobar en todo o traxecto a carencia absoluta de sinalización ao respecto da localización da Cova da Serpe, a pesar da súa importancia cultural, oral e literaria, e por tanto a despreocupación e desleixo que existe por parte da administración autonómica e local competente na protección do lugar.



De feito a Cova está inserida no interior dunha instalación dun parque eólico cuxa ampliación se fixo efectiva hai dous anos, a pesar de que foi denunciada e alegada por ADEGA e pola asociación Cova da Serpe, polo seu impacto ambiental e cultural. Nun principio, o proxecto eólico promovido pola empresa Isolux Corsan pretendía sepultar cun dos seus muíños eólicos a propia Cova da Serpe. Afortunadamente, a mobilización dos colectivos citados evitou que a Cova da Serpe fose derruída, aínda que non conseguiu evitar a colocación dos demais aeroxeradores.



Para a campaña de sinalización, a ADEGA e o Goberno de Galicia prepararon un itinerario de Cova da Serpe, Breia de Alén e por San Xosé de Ribadouro, pasando polo lugar de Cova da Serpe, onde se encontra a torre de comunicación.